

1533

896

24.4

補晉書藝文志

萍鄉文廷式道希龔

子部十七類一曰儒家二曰道家三曰墨家四曰法家五曰名家
六曰雜家七曰兵家八曰農家九曰縱橫家十曰歷算家十一曰
天文家十二曰五行家十三曰醫家十四曰神仙家十五曰釋家
十六曰雜執家十七曰小說家

儒家類

李軌揚子法言注十五卷解一卷

今存 書錄解題云音義一卷 玉燭寶典卷二揚子法言云

龍蟠于泥蚺其肆矣李軌同異志云或作龍龍蚺音義無異復
似兩通此蓋音義中語故今注無之同異志三字疑有誤

殷興通語十卷尚書左丞

新唐志文禮通語十卷殷興續案裴松之吳志顧邵傳注殷禮
子基作通語又引文士傳曰基無難督以才學知名著通語數
十篇蓋此書殷基撰而興續之也文禮二字誤意林作八卷

六百十四引殷典(當作興)通語四殷禮字經嗣時人語曰奇才強記殷經
嗣云云 吳志孫和傳注蜀志費禕傳注並引殷基通語吳志朱據傳注

譙周譙子法訓八卷

初學記卷十四十七二十九三十文選注二十八書抄九十二

並引之馬國翰集得十三節云此書稱法訓亦如揚雄書稱法

言之類

初學記二十二引作法詞誤 御覽三百四十七 世說任誕門注
御覽四百六十八 御覽九引法訓不題譙子八百五十九九百二十
又七百六十九引二條七百七十三三
百六十一四百九十二一百五十六

譙子五教志五卷

宋釋法雲翻譯名義集卷五引譙子曰夫交人之道猶素之白
也染之以朱則赤染之以藍則青

袁準袁子正論十九卷

新唐志二十卷馬國翰集此書二卷案通典所引多論禮服疑
出準喪服經傳非正論語也嚴可均集得正論三十許事正書
四十許事

袁準袁子正書二十五卷

魏志袁渙傳注袁氏世紀曰準著書十餘萬言論治世之務為
易周官詩傳及論五經滯義聖人之微言以傳於世據此正書
言治法正論言經學此其別也羣書治要卷五十錄袁子正書
禮政經國設官政畧論兵王子主失厚德用賢悅近貴公治亂
損益世治刑法人主致賢明賞罰凡十七篇書抄一百五十六
類聚八十七並引作袁子政書

孫毓成敗記三卷

意林云字仲攷經典釋文云字休朗北海
平昌人晉豫州刺史隋志題晉長沙太守

意林卷五引二則

王元長無名子十三篇丞相從事中郎

華陽國志云依則論語

王長文通經四卷

王隱晉書王長文字德郁廣漢人普通元經四卷文言卦象可用以為卜筮御覽五百三華陽國志云著通經四篇亦有卦名擬易

元晉書王長文傳著通元經四卷時人比之太玄隋志丞相中郎王長文通經二卷長元當是長文之誤輿地紀勝一百五十四王長文邾人著書四卷擬易

曰通玄經

夏侯湛新論十卷散騎常侍御覽三百七十引之曰爪生於肉去爪而肉不知

本傳云著論三十餘篇別為一家之言太平御覽引六條馬國翰玉函山房集之御覽九百四十五夏侯子曰一蠃之行一蚊之飛聖人皆知之

楊泉物理論十六卷徵士

近人孫星衍有集本

楊泉揚子太玄經十四卷

意林引六則

華譚新論十卷金紫光祿大夫

初學記卷十七引之曰夫體道者聖遊神者哲體道然後寄意形骸之外遊神然後窮理變化之端故寂然不動而萬物為我用塊然玄默而衆機為我運

干寶干子十八卷

史記楚世家集解引干寶曰先儒學士多疑此事云云按令昇未注史記其說當出此書也

蔡韶閱論二卷江州從事

書抄一百五十八引一條云火居之鼠養毫炎穴湯泉之魚戲

鱗沸泉今刻本閱白氏六帖亦引之

虞喜志林新書二十卷 廣陵二十四卷 後林十卷 呂竦要

覽十卷

通志作正覽

綦母邃孟子注七卷

元和姓纂云江左有綦母邃為邵陽太守

通典九十九引孟子膏澤下於人有故而去綦母邃云謂有他故不得不行或避怨仇者也文選詠懷詩注引綦母邃注云當路當仕路也又安陸王碑注引綦母邃注云周之秋於夏為盛陽也

顧夷顧子義訓十卷揚州主簿

見舊唐志隋志無義訓二字永樂大典卷一萬九千六百三十

六引此條御覽三百六十六引之見作曰顧子義訓曰假天下之見以視則四海豪未可見也初學記十八引顧子曰不諫則危君諫則危身是賢人君子上不敢危君下不敢危身三諫不從則去矣類聚卷九顧子曰與子華遊於東池子華曰水有四德池為一焉沐浴羣生澤流萬世仁也揚清激濁滌蕩塵穢義也弱而難勝勇也導江疏河變盈流謙智也顧子曰我得女於池上矣此條御覽六十七亦引之 御覽九百三十五顧子曰昔宋人臨萬仞之淵以釣數寸之鱗魚將食釣不知膝之日進有傾墮而死利能誘也

按顧譚有顧子新語羣書所引顧子當有譚書北堂書抄九十五御覽六百九同顧子儀訓曰三墳

五典粲粲如列宿落落如連珠御覽四百六十八顧子曰遇其樂也則欲荒淫流

洩遠其喜也則欲歡笑鼓舞荒淫則傷義鼓舞則虧風四百六十七顧子曰夫哀

樂喜怒愛憎欲懼人之情也當其哀也則欲哭泣擗踊遇其樂也則欲歡笑鼓舞

元李衍竹譜詳錄卷五云箏竹立竹實中太極竹長百丈絳竹箆竹筴竹簡竹

胥竹鶴系竹箏竹篋簡竹篋箆竹筴竹並

出顧夷義訓又云顧夷義訓有箏竹箆竹

千寶正言十卷 立言十卷

俱見舊唐志 文選李康運命論椎紛而守敖庾海陵之倉注

曰千子正文引此而為髻字正文未知即正言否

杜崧任子春秋一卷

隋志入總集類曰知錄作王子誤

崧附儒林杜夷傳云惠帝時俗多浮偽著任子春秋以刺之又

惠帝紀云南陽魯褒作錢神論廬江杜嵩作任子春秋皆刺時

之作

初學記卷三十任子曰鳳為羽族之美麟為毛類之俊龜龍為介蟲之長

梗楠為眾材之最是物之貴也北堂書抄三十七引任子古之公也篤今之公也薄又曰太王不務私其身不外其民故曰百姓之身猶吾身也為戎翟之病棄國之富杖策而去一百一十七任子曰善陣者徒眾整一如列宿之陳部伍周廻如山岳之盤是陣之體也按疑出任假任子道論

蔡洪化清經十卷 松滋令

意林引三則晉書文苑王沈傳吳郡蔡洪字叔開有才名作孤

奮論即此人 初學記二十九引蔡氏清論當即此書 馬國

翰曰其書舊列儒家而細玩遺文頗涉元旨又云稱經蓋擬易而作亦楊泉太元類也 御覽八百七十蔡氏化清論曰伏龍

非我馬白日非我燭藏之默之保此小樸九百一十九蔡氏化

清經曰水戰之鳴何必白纓盈俎之鷄何必長鳴 書抄一百

三十六蔡氏清化 當作化清 論云鏡能照人好醜而不能好醜於人

王嬰古今通論二卷 松滋令

意林作三卷 北堂書抄八十七宗廟條引王嬰古今通論夏

曰世室世祀之一百五十七王嬰古今通論地厚三萬里又

書抄五十一八十七御覽五百三十一並引作通語 書抄五

十一引古今通典云興仁隆化幽贊神明奉度順道使災不生

未知出此書否 御覽一百五十六王嬰古今通論曰崑崙東

南方五千里謂之神州州中有和美鄉方三千里五岳之城帝

王之宅聖人所生也

李密述理論十篇

見蜀志楊戲傳注華陽國志曰論中和仁義儒學道化之事

何隨譚言十篇

字季業蜀郡郫人

華陽國志曰論道德仁義

李秉家誠

魏志李通傳注引王隱晉書秉字玄胃有雋才官至秦州刺史嘗答司馬文王問因以為家誠云云世說新語注引李康家誠嚴可均曰康字誤書抄引亦作康

李充起居誠

類聚二十三御覽五百九十五此所引誤作起居注五百九十七並引之書鈔卷一百李充起居戒云中世蔡伯喈長於為碑

周處默語三十篇

見本傳

常寬典言五篇

見華陽國志

黃容家訓

見華陽國志常寬傳

皇甫謐禮樂聖真論

虞溥厲學

馬國翰玉函山房有集本

華譚辨道十二卷

本傳作三十卷

益州學堂圖

唐張彥遠歷代名畫記卷三益州學堂圖十畫古聖帝賢臣七子後代又增漢晉帝王名臣蜀之賢相牧守似東晉時人所撰

補晉書藝文志
賈充妻李氏典式八篇

世說賢媛門注引婦人集曰李氏至樂浪遺二女典式八篇初學記卷四云華勝起於晉代見賈充李夫人典戒云戒或當像瑞圖金勝之形又取像西王母戴勝也玉燭寶典卷一引賈充李夫人典誠云每見時人月日問訊到戶至花勝交相遺與爲之煩心勞倦

李氏女誠

賈充傳云李氏作女訓行於世 世說賢媛篇云賈充妻李氏

作女誠行於世

藝文類聚卷四亦引此條作賈充典戒誤脫妻字

虞喜釋滯

馬國翰玉函山房集佚書曰虞喜釋滯隋唐志無之通典引三節豈喜別撰此而史佚之邪抑其爲志林廣林後林篇目之一

邪疑不能明仍依通典原題錄存一卷

虞喜通疑

通典引五節馬氏並集之通典一百三又引虞喜釋疑

慕容讒典誠十五篇

慕容讒載記曰著典誠十五篇以教胄子

明岌明氏家訓一卷僞燕衛尉

隋志入雜傳類

道家類

羊祜解釋老子道德經二卷太傅

經典釋文云羊祜解釋老子四卷舊唐志同新唐志羊祜注二

卷解釋四卷

孫登老子道德經注二卷音一卷

尙書郎釋文作集注

孫統傳弟登少善名理注老子行於世郡齋讀書志成君相集三十家注老子有孫登羊祜二家初學記二十三老子曰道生一孫登注曰妙一宅於太虛之內玄化資於至道之用故因其所由謂之曰生 釋文悠孫登張憑杜弼俱作由又彈坦梁

字疑

王尚鍾會孫登張嗣本有此坦平大貌

盧校梁下當脫武字

蜀才老子注二卷

釋文序錄

郭象老子注

劉仁會老子注

見唐張君相三十家老子注有郭劉二家

劉黃老老子注

附劉隗傳

孫盛老子考訊

見遂初堂書目廣宏明集卷五載七條

巨生解老子道德經二卷

真誥握真輔第一張生稽首注云又見系師注老子內解皆稱臣生稽首按此巨生或是臣生之誤其人姓張也釋文巨生內解老子二卷注云不詳何人

郭璞老子經注

文選上林賦注張揖曰此三字疑衍郭璞老子經注曰虛無寥廓與元

通靈言其所乘氣之高故能出飛鳥之上而與神俱者也 按

此條亦不似注老子今姑存其目俟攷

王尚述老子道德經注二卷

字君曾琅邪人東晉江州刺史封杜忠侯

經典釋文序錄云王尚述二卷述字似非名盧文昭攷證云釋

文脫注字蓋誤以述字當之唐志王尙注二卷竟作單名尙矣
然王字君曾述字必其名也 通志作王尙楚亦誤

程韶老子集解二卷郎中

邯鄲氏老子注二卷

常氏老子注二卷

隋氏作老子傳

孟氏老子注二卷

釋文序錄孟子注二卷或云孟康余按當是孟陋

盈氏老子注二卷

蓋卽著論語集義之盈氏也

袁真老子道德經注二卷

字彥仁陳郡人東晉西中郎將豫州刺史

劉仲融老子道德經注二卷

案張君相集解有劉仁會未知卽仲融否俟攷

張嗣老子注二卷

張憑老子道德經注二卷

劉程之老子玄譜一卷柴桑令彭城人

葛洪老子道德經序訣二卷

見新唐志

僧義盈老子注二卷

鳩摩羅什老子注二卷

見舊唐志 張君相三十家老子注尙列其目

鄧粲老子注

本傳

李軌老子音一卷

戴逵老子音一卷 字安道譙國人東晉散騎常侍太子中庶子徵不就

王倫老子例略

世說排調門注引王氏家譜曰倫字太冲司空穆侯中子司徒渾弟也醜粹簡遠貴老莊之學用心淡如也為老子例畧周紀年二十餘舉孝廉不行歷大將軍參軍年二十五卒

張湛文子注

文選卷十三注引文子曰去其誘慕除其嗜欲張湛曰遺其術尚為害真性卷二十一注引文子曰三皇五帝輕天下細萬物上與道為友下與化為人張湛曰上能友於道友或為反卷四十注引文子曰起師十萬日費千金張湛曰日有千金之費卷五十注引文子曰羣臣輻湊張湛曰如衆輻之集于轂 此條卷五十三注亦引之

向秀列子注

文選卷二十一注引列子曰有神巫自齊而來處於鄭名曰季咸列子見之而心醉向秀曰迷惑其道也列子或是莊子之誤姑存其目

張湛列子注八卷 字處度光祿勳

今存

張湛列子音義一卷

見宋志 張湛注 按今本列子多以殷敬順釋文屢入宋志所錄疑即殷書姑錄其目以資攷訂

向秀莊子注二十卷 散騎常侍

世說文學門注或言秀遊託數賢蕭屑卒歲都無注述唯好莊子聊應崔譔所著以備遺忘云 張湛列子注屢引之

崔譔莊子注十卷清河人 議郎

釋文云二十七篇內篇七外篇二十

司馬彪莊子注二十一卷 通志箸錄十六卷

釋文云五十二篇內篇七外篇二十八雜篇十四解說三篇為

音三卷

郭象莊子注三十卷曰一卷 太傅主簿 梁 七錄三十三卷

釋文三十三卷三十三篇內篇七外篇十五雜篇十一為音三

卷今存 按世說文學門注引向子期郭子元逍遙義明二家

不異又釋文繕性篇心與心識衆本悉同向本作職云彼我之

心競為先職矣郭注既與向同則亦當作職也此則郭注同向

劉陸並明言徵之後人輒舉一二異同以為非盡抄襲顯違史

傳余未敢埒和也 文選卷十一注引莊子去其害馬郭璞曰

以過分為害據此則璞亦注莊子也 釋文鶴郭璞云鷦鷯桃

雀又薦郭璞云三蒼云六畜所食曰薦

葛洪修撰莊子十七卷

釋藏辨正論云劉宋時陸靜修道藏書曰莊子十七卷莊周所

出葛洪修撰余按抱朴子應嘲篇云常恨莊生言行自伐桎梏

世業身居漆園而多誕談好畫鬼魅憎圖狗馬狹細忠貞貶毀

仁義洪之不滿莊生如此然則修撰者乃刪取之類故僅存十

七也

張湛莊子注

文選卷五十四注引莊子曰孔子觀於呂梁見一丈夫謂孔子

曰吾長於水而安於水性也不知吾所以然命也張湛曰固然

之理不可以智知知其不可知故謂之命也

按此張湛列子黃帝篇注今本固然作自然無

故字恐文選
誤引擬刪

盧謚莊子注

本傳

李頤莊子注三十卷音一卷

丞相參軍字景真潁川襄城人自號玄道子

唐志作集解釋文序錄云集解三十卷三十篇一作三十五篇為音一卷 文選文賦注引李頤莊子注三條頤即頤字 釋

文李頤說甚多列子黃帝篇注亦引之

孟氏莊子注十八卷錄一卷

釋文序錄云五十二篇孟氏不詳何人

李充釋莊子論二卷

見舊唐志 本傳無子字是

王叔之莊子義疏三卷字穆口琅邪人

釋文序錄云宋處士余案藝文類聚屢稱晉王叔之今從之

李軌莊子音一卷

釋文序錄曰徐仙民李宏範作音皆依郭本以郭為主

司馬彪等莊子注音一卷

釋文朝菌支遁云一名舜英朝生暮落潘尼云木權也又敖者

支云伺彼怠敖謂承夫問殆也

支法遁注逍遙篇

高僧傳卷四遁注逍遙篇羣儒舊學莫不歎伏世說門注引遁

逍遙義

徐邈莊子音三卷 莊子集音三卷

文選二十六注引之

向秀莊子音一卷

四庫全書郭象莊子注提要曰世說向秀注莊子惟秋水至樂二篇未竟案秋水篇與道大憲句釋文云憲向紀輦反則此篇向亦有注廷式案釋文所引出莊子音世說之言未爲誤也

郭象莊子音三卷

王坦之廢莊論

本傳

蘇彥蘇子七卷北中郎參軍

書抄九十五引蘇子云道陰陽示悔吝莫過於易 九十九亦引蘇子翠以羽殃身蚌以珠破體云云嚴可均全晉文集蘇子十二條云隋志云梁有亡兩唐志皆七卷宋不著錄蓋唐末復亡羣書引見尚繹其詞譽商韓而詆孟子按見御覽六百八誤矣藝文類聚卷九有晉蘇彥於西陵觀濤詩卷十九蘇彥語箴

初學記卷三有蘇彥秋夜長詩初學記卷二蘇子曰夫人生一代若朝露之託桐葉耳其與幾何又曰蜀鄧公呼吸成霧

韓鄂歲華紀麗卷三引蘇子曰人生于世若朝露之寄於桐葉

宣聘宣子二卷宜城令

陸雲陸子十卷

本傳云撰新書十卷卽此初學記卷九陸子曰三皇垂拱五帝垂手唐虞按轡禹湯馳轅雖使周公御衡仲尼促節固不已也又曰三皇垂筮而五帝擊手 御覽八百三十二陸子曰欲水之清則勿涉欲草之茂則勿獵

顧谷顧道士新書論經二卷 方士

孫綽孫子十二卷

初學記二十七孫子曰隋珠耀日羅衣從風法苑珠林二十八

孫綽子曰海人與山客辨其方物海人曰橫海有魚額若華山之頂一吸萬頃之波山客曰鄧林有木圍三萬尋直上千里旁蔭數國有人曰東極有大人斬木爲策短不可杖釣魚爲鮮不足充餽 崇文總目著錄十卷陳振孫書錄解題雜家類云孫子十卷題晉孫綽興公撰恐依託唐志及中興書曰並無之余從程文簡家借錄馬國翰輯佚書此書得二十餘節然如文選卷三十注引孫子曰秋霜被不彫其秀三十八注引孫綽子曰或問人物曰察虛實審眞僞斷成敗定終始斯可謂之人物矣又引或問雅俗曰判風流正位分涇渭殊流雅鄭異調題帖分明標榜可觀斯可謂雅俗矣 卷四十注畧引皆其所遺也 明人世善堂書目尙存孫綽孫子一卷 書抄一百三十八孫綽子曰仲尼見滄海橫流故務爲舟航御覽七百六十四孫子曰何世之

無才何才之無施良匠捉斤斧造山林梁棟阿衡之才樞柱楣椽之朴森然陳於目前大廈之器具矣七百七十孫綽子曰仲尼見滄海橫流故務爲舟航 御覽七十二孫綽子曰海人曰橫海有魚一吸萬頃之波六百八孫綽子曰銜轡衡軛無心於馬而所以御馬典籍禮度無心於治而所以爲治又曰典籍文章之言也理出於天辭先於人 文選卷四十七注引孫綽子曰聖賢極其標勝有大力矣 又陸佃埤雅尙引之則此書宋時猶存孫綽子曰高祖御龍光武御虎龍韓彭之類是也虎耿賈之類是也 玉函山房已錄

簡文帝簡文談疏六卷

太平廣記尙引之 續談助卷四引簡文談疏云漢世人物當推子房爲標的神明之功立勝之要莫之與二接俗而不虧其

道應世而事不嬰玄識遠情超然獨邁

阮侃攝生論二卷河內太守

高僧釋僧遠傳有守陽太守阮侃

梅子一卷

隋志儒家有梅子新論一卷意林卷五引一則云案其書晉人也稱莊周以來命世大賢惟阮先生蓋道家者流書抄一百五十六引陶梅書云古人就食於安里今三州米流出門御覽三十五引陶梅書同余案陶梅書是梅陶之誤疑梅子卽梅陶作也姑附記於此

徐苗玄微論

本傳云依道家著玄微論

張詮子張子八篇

永樂大典六千三百三十九引江州志曰張詮字秀碩南陽人性情高逸帶經而鋤微散騎常侍不起庾悅以其貧授尋陽令祿之歎曰古人正以容膝爲安苟屈吾志亦何榮乎拂衣入廬山淨社客有食野鹿溪魚而美者誇於詮曰天生是物以供人何其美也詮舉列子曰蚊蚋嚼膚虎狼食肉非天爲蚊蚋生人虎狼生肉也客大慙卒有子張子八篇按書已佚以志載詮學近道家故附於此高僧傳釋慧遠傳有南陽張季碩

杜夷杜氏幽求新書二十卷

御覽八百三十七杜夷幽求曰獵者嗜肉不多於不獵及其陵岡巒赴谿嶺而有遺身之患八百九十幽求子曰堯時獲獬豸緝其尾以爲帝帳 本傳箸幽求子二十篇新唐志作三十卷誤 案三國志杜畿傳注屢引此書文選注太平御覽亦引之

文心雕龍諸子篇仲長昌言杜夷幽求咸叙經典或明政術雖標論名歸乎諸子書抄一百二十六杜夷曰銜羈之馬伏櫪之駒莫不思平原曠澤翹尾而馳亦當出此書 御覽三百五十九杜夷幽求三條 困學紀聞卷十引幽求子曰當其夢時觀山念木或志在舟楫因舟念水因水念魚 文選卷五十五注杜夷幽求子曰不仁之人心懷豺虎 御覽七百六十九杜夷幽求子曰輕舟可以救溺濡幕可以濟焚六百九十七杜氏幽求曰褰衣博帶高冠厚烏佩以珠璣結之纓黹御覽二十四幽動涼風夏生四百三杜氏幽求子曰蓋道清淡以無爲爲家恬虛寂靜宏廣多包豈非聖人所宅乎又曰有道之國其鬼不神 苻朗苻子二十卷員外郎

晉書載記第十四苻朗著苻子數十篇行於世亦老莊之流也史通模擬篇云苻朗比跡於莊周今案藝文類聚初學記諸書尙多引之嚴可均全晉文集得五十一事明張鼎思琅邪代醉篇卷十云王元美曰苻子書在道藏非隱僻而升菴以爲己亡余在白下徧求道藏亦未得見苻子余案道藏無苻子元美說誤

司馬彪淮南子注

文選卷四十五歸去來辭注淮南要畧曰山谷之人輕天下細萬物而獨往者也司馬彪曰獨往任自然不復顧世莊子胠篋篇釋文淮南子云萇宏皴裂而死司馬云膾裂也萇宏周靈王賢臣也

阮籍道德論 通老子論

世說文學門注晉諸公贊曰步兵校尉阮籍著道德論
祖台之道論

初學記十七引之曰大道以至虛順通聖人以忘懷兼應
墨家類

魯勝注墨辯六篇

勝在隱逸傳云其著述爲世所稱遭亂遺失惟注墨辯存其叙
法家類

黃命蔡司徒難論五卷三公令史

滕輔慎子注十卷

見唐志隋書集部有晉太學博士滕輔集五卷卽此人今存
劉黃老慎子注

黃老附劉隗傳

汜毓肉刑論

本傳 元和姓纂汜毓字毓春晉武帝徵秘書郎不就著書七
萬言

曹彥肉刑論

書抄四十四害輕全重去死就生注云曹議肉刑論云李勝云
蛇蝮螫手則士斷其腕繫號在足則虎跑其蟠云云孔廣陶校
云俞本與類聚五十四引作曹義肉刑論且脫蛇蝮以下御覽
六百四十八引博物志云李勝曹義建肉刑議余案據此則害
輕全重二語曹義議蛇蝮以下李勝論也又御覽引王隱晉書
載曹彥肉刑議有云於死於輕減死五百爲重重不害生云今
特著曹彥名其李勝曹義兩論不悉錄曰

魯勝刑名二篇

本傳

名家類

張輔名士優劣論

藝文類聚卷二十二引三條一論魏武帝劉玄德此條本傳已載一論司

馬遷班固一論樂毅諸葛孔明

雜家類

傅玄傅子百四十卷

本傳云為內外中篇凡有四部六錄合百四十首近人嚴可均

方濬師均有輯本

辭瑩新議八篇

見吳志

索靖索子二十卷

本傳

張顯析言論二十卷議郎

馬國翰集張顯書凡得四條案御覽三百四十八引張顯哲曰

古諺云堯舜至聖身如脯脂桀紂無道皮膚三尺張顯哲他書

未見疑哲字乃析言二字之誤也 書抄六十二張顯析言云

謁者僕射季明清達有高才多識前代格言以為揚雄司馬遷

儔也類聚九十二引張顯析言新唐書志張明哲析言二字誤合論二

十卷古訓十卷

陸機正訓十卷

見宋志 通志七十二云陸機正訓隋唐二志並存今出於荆

州田氏文獻通考引崇文總目云唐志有正訓二十卷辛德源

撰而此題云十卷據隋以前書錄皆無之晉史機傳亦不言有

此疑是德源遺書

范望太玄經注十二卷字叔明尚書郎

見唐志儒家今存本十卷其序云以陸爲本錄宋所長訓理其義爲十卷且以首分居本經之上以測散處贊詞之下故爲十二卷矣宋司馬光注太玄序云晉尚書郎范望作解贊章設典林二十三篇

本傳云作伏林二千餘言遂演爲典林二十三篇

陸機要覽三卷

宋志類事類陸機會要一卷即此書

見舊唐志玉海五十四引書曰云一卷機自序云直省之暇乃集要術三篇上曰連璧集其嘉名取其連類中曰述聞實述予之所聞下曰析名乃搜同辨異也董斯張廣博物志引書曰云陸士衡著要覽三卷上曰連璧中曰述聞下曰析名御覽二十

二又引陸機纂要御覽卷九卷二十卷二十二二十五三百三十九五色綫卷下引陸機要覽夏樹名陰雨名錦雨

周熙新論

北堂書鈔六十三引周熙新論云武衛將軍孫奇年十七以秀才入侍帷幄余作詩一篇美而風之云云則熙晉時人御覽二百四十一引作周紹

陸喜西州清論

本傳云作西州清論借稱諸葛孔明以行其書也

陸喜言道訪論等書百篇

本傳喜自叙曰感子雲之法言而作言道觀賈子美才而作訪論觀子政洪範而作古今歷覽蔣子通萬機而作審機讀幽通思玄而作娛賓九思眞所謂忍媿者也其書近百篇

秦菁秦子三卷

隋志題吳人今案意林及北堂書抄卷一百四十五所引有與顧彥先問難語蓋晉人也意林云二卷 御覽八百六十一秦子曰五味者各稱一族之名今和一鼎名曰羹猶威重廉平恩合而爲信也御覽十二引秦子曰今欲馳光日下顯白雪中不可得也九百六秦子曰虎能雄猛不可以託麕鷹能飄擊不可以寄雛八百三十八秦子曰孔文舉爲北海相有人母病差思食新麥家無乃盜鄰熟而進之文舉聞特價之同二百六十 二彼處較詳御覽五百八十一秦子曰一人執規十手自負一人吹簫長短皆應類聚八十一秦子曰常聞作人當如園圃之藍不異衆艸染而後朗然不如唐棣之華灼灼自顯書抄一百二十九秦子曰有千金之裘而無千金之布一百四十八秦子曰今人知涉川必

涉而忘酒醴之荒性御覽二百六十二引秦子孔文舉爲北海相事書抄三十六類聚八十五並引孔北海事

鄒子一卷

馬國翰集佚書云鄒子一卷撰人闕隋唐志皆不著曰意林有鄒子一卷在化清經成敗志之間蔡洪孫毓皆晉人鄒子當亦晉人所撰攷晉書文苑傳鄒湛字潤甫南陽新野人所著詩及論事議二十五首爲時所重此湛有著作之證以時攷之又與蔡洪孫毓皆在西晉之初故書中叙邢高呂安飲仰天泣目觀其事而論之也意林引二節御覽引四節引者不著其名今亦僅題鄒氏八百三鄒子曰珠生於南海玉出於須彌無足而至八十九十七鄒子曰董仲舒三年不闕園圃乘馬不知牝牡初學記卷二鄒子曰朱買臣孜孜修學不覺雨之流粟書抄九十

五同覺作知御覽卷十同

楊偉桑邱先生書二卷征南軍師

楊偉時務論十二卷

三國志曹爽傳注引郭頒魏晉世語云偉字世英馮翊人御覽
三百五十八引之

葛洪抱朴子外篇五十一卷

今存 按抱朴子自叙云外篇言人間得失世間臧否屬儒家
今以其兼採道術故仍入雜家

孟儀子林二十卷

孔衍孔氏說林二卷 新唐志孔衍說林五卷

殷仲堪論集九十六卷

舊唐志作雜論九十五卷入集部

蘇道立言六卷

戴安道纂要一卷亦云顏延之撰

兵家類

慕容氏兵法一卷

孔衍兵林六卷江都相

司馬彪兵記二十卷一本八卷

司馬彪戰畧

三國志劉表傳王基傳鍾繇傳蔣濟傳注皆引司馬彪戰畧初
學記二十五御覽三百三十七三百五十九亦引之未知與兵

記卽一書否

陶侃六軍鑑要一卷

見宋史藝文志蓋依託

抱朴子軍術

此外篇中佚篇也嚴可均集得四十二條今別錄其目
葛洪兵法孤虛月時秘要一卷

見唐志

葛洪陰符十德經一卷

見唐志

庾袞保聚圖一卷

通鑑太安元年潁川處士庾袞聞冏期年不朝歎曰晉室卑矣
禍亂將興率妻子逃於林慮山中郡齋讀書志庾袞保聚圖一
卷晉庾袞撰晉書孝友傳載袞字叔褒齊王冏之倡義也張滋
等掠陽翟袞率衆保禹山滋不能犯此書序云大駕遷長安時
元康三年己酉撰保聚壘議二十篇按冏之起兵惠帝永甯元

年也帝遷長安永興三年也皆在元康後且三年歲實癸丑今

云己酉皆誤

農家類

郭璞夏小正注

太平廣記卷十三引神仙傳云璞注山海經夏小正爾雅方言
嵇含南方草木狀三卷

見宋志今存齊民要術屢引南方草物狀未知卽此書否案此
書文筆淵雅叙述簡淨自是唐以前作然以爲嵇含則非也案
晉書忠義傳劉宏表含爲廣州刺史未發宏卒含素與宏司馬
郭勣有隙夜掩殺之又抱朴子自叙云故人譙國嵇居道見用
爲廣州刺史乃表請洪爲參軍遣先行催兵而居道於後遇害
是含實未至廣州不得爲此書也又案南方艸木狀乞力伽一

條云劉涓子取以作煎涓子東晉末人遠在嵇含後是書非含作益明矣

史道碩田家十月圖

古今名畫錄曰晉史道碩畫田家十月圖爲世所寶御覽七百五十歷代名畫記卷五引孫暢之云道碩兄弟四人並善畫謝赫云碩與王微並師荀衛

何曾食疏

齊書虞棕傳豫章王嶷盛饌享賓謂棕曰今日肴羞甯有所遺不棕曰恨無黃頰臠何曾食疏所載也

宏君舉食檄

北堂書鈔陸羽茶經太平御覽皆引之嚴可均云疑卽宏戎通典八十一有晉東海國臣宏據

徐衷南方草木狀

後漢書西南夷傳注引之御覽八百三草木作草物又八百七引徐衷南方記述班固九百四十一引徐衷南方記述白珠擘殼亦當出此書戴凱之竹譜云筋竹其筍未成竹時堪爲弩弦見徐忠南方奏徐忠蓋卽徐衷

食經

御覽八百五十六盧譙祭法秋祠用菹消食經有此法也此譙所見之食經是晉以前書齊民要術亦屢引食經

縱橫家類

皇甫謐鬼谷子注三卷

日本國見存書目尙有此書

歷算家

楊偉景初歷三卷 景初歷術二卷 景初歷法五卷一本三卷

後魏書偉歷志云魏明帝行楊偉景初於晉朝無所改作

劉智正歷四卷太常新唐書云辭夏訓

開元占經屢引之初學記卷一引劉氏正歷問卽此書按智附

劉寔傳御覽卷 引中脞中興書作劉世智疑史臣避唐諱但

稱劉智也

汲冢書大歷二篇

事詳東晉傳云鄒衍談天類也

王朔之通歷

律歷志云永和八年著作郎琅邪王朔之造通歷

杜預二元乾度歷 歷論

本傳 春秋釋例卷十云余爲歷論之後至咸甯中有善算者

李修夏顯依歷體爲術名乾度歷表上朝廷云云 又春秋長歷說夏顯作卜顯

皇甫謐朔氣長歷二卷

劉徽九章算術十卷 九章重差圖一卷 一名海島算經

四庫總目提要云劉徽序九章算術云徽尋九數有重差之名

凡望極高測絕深而兼知其遠者必用重差輒造重差並爲注

解以究古人之意綴於句股之下據此則徽書本名重差無海

島之目但附於句股之下不別爲書故隋志九章算術增爲十

卷云劉徽撰蓋以九章九卷合此爲十也而隋唐志又有九章

重差圖一卷蓋一書兩出至海島之名不過後人因卷首以海

島之表設問而改斯名然唐選舉志稱九章海島共限習三年

則唐初已然矣大藏音義卷六引劉洪九京 疑當作章 算經注一至

載數法之名有十五等云云

夏侯陽算經三卷

阮元疇人傳曰舊以夏侯陽為隋人以張邱建有夏侯陽方倉之語斷為陽以後人余攷之有不盡合者夏侯陽稱甄鸞劉徽為之詳釋則鸞在夏侯陽之前而張邱建算經有甄鸞注則張邱建當更在鸞之前彼此互異不可是正蓋術數之書多經竄易不可據單詞定先後也今姑從大觀算學所定以張夏附見晉代以俟知者詳之

張邱建算經三卷清河人

今存

楊偉漏刻經一卷

張亢宗歷贊一篇

案亢附張載傳云亢述歷贊見律歷志今檢志無此贊宗字誤衍

趙數河西甲寅元歷一卷 甲寅元歷序一卷涼大史

魏書律歷志云世祖平涼土得趙數所修立始歷後謂為密以代景初

趙數河西壬辰元歷一卷

見舊唐志後魏書李業興傳云以世行趙數歷節氣後辰下算延昌中業興乃為戊子元歷上之

趙數陰陽歷術一卷 又通志有趙數七曜歷數算經一卷

姜氏三紀歷一卷 歷序一卷

姜岌歷術四卷唐志三卷

律歷志天水姜岌造三紀甲子元歷通志藝文略姜岌三紀驗歷一卷姜氏歷序一卷 隋律歷志中晉時有姜岌又以月食於日度知冬至之日日在斗十七度

天文家類

虞喜安天論圖六卷會稽人

新唐志虞喜安天論一卷初學記屢引喜安天論御覽五十四

葛洪渾天論

虞聳穹天論

聳字世龍虞翻子事見吳志虞翻傳注引會稽典錄初學記卷

一虞曷穹天論曰天形如笠而冒地之表書抄一百四十九亦

引之 案曷字子文虞翻子事見吳志虞翻傳注引會稽典錄

以上三種並見晉書天文志及開元占經

魯勝正天論

本傳

姜岌渾天論

渾天論答難

見開元占經 晉書律厯志云岌又著渾天論以步日於黃道
駁前儒之失隋天文志有安岌論天疇人傳引錢辛楣曰安當
為姜字脫其半耳

譙周天文志

見晉書天文志序 續漢書天文志注引之

郭璞星經一卷

見通志藝文略六

索靖五行三統正驗論

本傳云著五行三統正驗論辯理陰陽氣運

陳卓天文集占十卷太史令

陳卓天官星占十卷 四方宿占四卷 五星占一卷舊唐志二卷

景祐六壬神定經曰後魏太史陳卓言入宿度各有先後按卓

乃晉太史令楊維德誤也

陳卓石氏星經記七卷

本書天文志云武帝時太史令陳卓總甘石巫咸三家所著星圖大凡二百八十三官一千四百六十四星以為定紀蓋即此書

韓楊天文要集四十卷太史令

初學記卷二十引四條御覽六百四十二引作韓陽

郭琦天文志

見本書隱逸傳

郭歷星經十卷

陳卓星述一卷

見通志

張華列象圖

見遂初堂書目

張華小象賦一卷 三家星歌一卷

並見宋志又通志張華小象千字詩一卷玉海引崇文目同

晉渾天圖

宋米芾畫史云漣漪藍氏收晉畫渾天圖直五尺素畫不作圓勢別作一小圈畫北斗紫極亦易於點閱又列位多異於常圖

五行家類

徐苗徐氏周易筮占二十四卷

徵士字君胄
高密濳子人

譙周災異志記漢建武以來

見續漢書五行志絳雲樓書目尚著錄譙子五行

譙周識

華陽國志屢引之

王子年歌一卷

藝術王嘉傳云其所造牽三歌讖事過皆驗累世猶傳之蓋卽此書高僧傳卷五云人間善惡嘉隨而應答語則可笑辭似讖記事過多驗

瑞應圖二卷

後魏書張淵傳觀象賦自注引瑞應圖曰景星大如半月生於晦朔助月光明當堯之時有此星見案淵逮事苻堅其所引蓋晉以前書也又晉書五行志內史呂會上言亦引瑞應圖

程猗說石圖

後魏書禮志元珍上言云越騎校尉程猗贊成王肅駁鄭譚二十七月之失爲六徵三驗上言於晉武帝卽此人于寶搜神記

程猗說石圖曰金者晉之行也云云宋書符瑞志兩引之

郭璞讖

見桓溫傳隋書薛道衡傳郭璞有云江東偏王三百年還與中國合亦當是讖也

祥瑞圖

御覽八百七十三祥瑞圖曰張掖之柳谷有石始見於建安成形於黃初文備於太和其石狀象龜巖然盤峙廣一丈六尺長一丈七尺周圍五丈餘蒼質麟鳳龍馬炳煥成形文字燦然斯蓋大晉受終聖德兼該之應也按此疑卽晉玄石圖今姑並列其目

晉災異簿二卷

晉德易天圖二卷

晉立石圖一卷

郭璞周易新林四卷 周易林五卷

或作周易新林九卷 疑並兩書數之也

易洞林三

卷 易八卦命錄斗內圖一卷

易斗圖一卷

易立成林二卷

隋志題郭氏蓋亦依託景純者今並錄之

藝文類聚十七九十八初學記二十九皆引郭璞洞林崇文總

曰郭璞洞林一卷馬國翰集易洞林二卷初學記卷三周易集

林曰坤土也類聚九十八引洞林曰東中郎參軍周稚璠封蠶

蛾令吾射之八九引洞林曰郭璞避難至新息有以茱萸令璞

射之璞曰子如赤鈴含玄珠案文言之是茱萸 左傳莊二十

二年正義曰郭璞撰自所卜事謂之辭林其辭皆韻習於古也

按辭林當作洞林涉下文而誤郭璞傳璞撰前後筮驗六十餘

事名為洞林又抄京費諸家要最更撰新林十篇卜韻一篇

郭璞葬書一卷

見宋志今存按隋書藝術簫吉傳引葬書云氣王與姓相生大

吉今此本無之當是別一書也後漢書方術傳注須臾陰陽吉

凶立成之法也今書七志有武王須臾一卷此條注易成林下

隋志武王須臾二卷

郭璞青囊補注三卷

見郡齋讀書後志通志畧郭璞青囊經二卷案璞傳載璞從河

東郭公受青囊中書九卷故術家為此名也太平廣記十四引

神仙拾遺云郭文蕝葉書金雄詩金雌記其言皆當時讖詞

郭文金雄記一卷金雌記

郭文見隱逸傳宋鄧牧洞霄圖志文以晉室亂入餘杭大滌山

學道又引吳地記載文嘗坎本書之上曰金雄記下曰金雌記

蓋讖晉祚也隋志讖緯類有郭文金雄記一卷金雌記一作金雌詩宋齊符瑞志皆引之明周嬰卮林考之甚詳

郭璞八五經一卷

見直齋書錄解題

郭璞周易竅書三卷 周易括地林一卷

並見崇文總目

郭璞周易穿地林一卷 地理碎金式一卷 玄堂品訣三卷

撥沙成明經一卷 錦囊經一卷

並見通志藝文畧六

郭璞三命通照神白經三卷 周易玄義經一卷 周易察微經

一卷 周易鬼御算一卷 周易逆刺一卷 易鑑三卷

並見宋志

郭璞玉照定眞經一卷

見 四庫書目

郭琦五行傳

見晉書隱逸傳

索襲天文地理十餘篇

本傳

遁甲書六十餘卷 撰人闕

見抱朴子登涉篇後漢書方術傳注云今書七志有遁甲經

隋書有遁甲開山圖榮氏解引者或稱榮邵按劉越石勸進表

云臣碑遣散騎常侍征虜將軍清河太守領各長史高平亭侯

榮邵當卽其人通志藝文畧六遯甲開山圖三卷榮氏撰

葛洪龜決二卷 周易雜占十卷

葛洪遯甲反覆圖一卷 遯甲肘後立成囊中秘訣一卷 遯甲
要用四卷 遯甲秘要一卷 遯甲要一卷 三元遯甲圖三卷

末一種見
舊唐志

抱朴子登涉篇云遁甲書乃有六十餘卷不可卒精故抄集其
要以為囊中立成

郭璞元經十卷門弟子趙載注

趙載璇璣經一卷

明崇禎間刻本按晉書云璞門人趙載嘗竊青囊書未及讀而
為火所焚御覽七百二十六後人遂依託其名撰此書也又明
人刻地理人天共寶有陶侃尋龍捉杖賦尤依託無據不錄

顏氏周易立成占三卷

顏氏周易孔子通覆決三卷

按此顏氏蓋即顏幼明姑錄其書俟考

顏幼明黃帝靈基經注二卷

今存 四庫總目提要云大抵依託之詞惟考隋志即有十二
靈基卜經而南史所載客從南來遺我良材寶貨珠璣金盃玉
盃之繇實為今經第三十七卦則是書出自六朝以前由來已
古矣 南齊有平南將軍顏幼明見索虜及南蠻傳梁書儒林
范縝傳有琅邪顏幼明 水經泄水注云沈約宋書言秦始皇元
年豫州刺史殷琰及明帝假勳輔國將軍討之琰降不犯秋毫
百姓來蘇生為立碑言過其實建元四年故史顏幼明為其廟
銘 劉敬叔異苑卷五曰十二基卜出自張文成受法於黃石
公行師用兵萬不失一逮至東方朔密以占象事自此以後秘
而不傳晉甯康初襄城寺法味道人忽見一老公著黃皮衣竹

簡盛此書法味無何失所在遂復流於世據此則此書蓋法味
依託也御覽七百二十六所引同

河圖占

晉書天文志引之近人補後漢三國藝文志者悉未入錄故附
存其目

庾闡著龜論

藝文類聚卷七十五引之

相牛經二卷

世說汰侈篇注相牛經曰牛經出甯戚傳百里奚漢世河西辭
公得其書以相牛千百不失本以負重致遠未服鞵駢故文不
傳至魏世高堂生又傳以與晉宣帝其後王愷得其書焉郡齋
讀書志箸錄云細字詳公注也

白澤圖一卷

按抱朴子登涉篇及千寶搜神記已引之則晉以前書也故附
著其目馬國翰集此書得四十節爲一卷

張華注師曠禽經一卷依託

今存

相手版經

御覽六百九十二相手版經曰相手版出自簫何或曰四皓初
出殆不行世東方朔見而善之曰此非庸人所至魏原誤司空

陳長史見此書歎伏以示許士宗韋仲將管輅見而推歎郭景

純以夜兼晝方得其妙理按晉時緯縱學不甚傳而此等書
乃紛然錯出錄之足以覘風氣也本紀泰始三年禁星氣讖

緯之學

王叔和脈經十卷高平人官大醫令

今存 郡齋讀書志曰按唐甘宗伯名醫傳叔和西晉高平人性度沈靜博通經方精意診處尤好著述其書纂歧伯華陀等論脈要訣凡九十七篇

王叔和論病六卷

高湛養生論曰王叔和高平人博好經方洞識攝生之道嘗謂人曰食不欲雜雜則或有所犯當時或無災患積久爲人作疾尋常飲食每令得所多冷令人頓亨短氣或致暴疾夏至秋分少食肥膩餅糲之屬此物與酒食瓜果相妨當時不必卽病入經節變陽消陰息寒氣總至多至暴卒良由涉夏取冷大過飲食不節故也而不達者皆以病至之日便謂是受病之始而不

知其所由來者漸矣豈不惑哉御覽七百二十

吳普華陀方十卷

吳普本草六卷華陀弟子廣陵人

抱朴子至理篇云有吳普者從華陀受五禽之戲以代導引猶得百餘歲 按此書藝文類聚太平御覽屢引之後漢書華陀傳注引陀別傳曰吳普從陀學微得其方魏明帝呼之使爲禽戲普以年老手足不能相及粗以其法語諸醫普今年將九十耳不聾目不冥牙齒完堅飲食無損按作陀別傳者在魏明帝後而稱普將九十抱朴子言普得百餘歲則固入晉矣

王季琰本草經三卷

按季琰王珉字沈子培曰此修隋書時避唐諱故稱其字

王季琰藥方一卷

王叔和編次張仲景傷寒論十卷

見通志今存 高湛養生論曰叔和性沈靜好著述攷覈遺文採摭羣論撰成脈經十卷編次張仲景方論爲三十六卷大行於世御覽七百二十二 隋志梁有張仲景辨傷寒十卷張仲景評病要方一卷又張仲景療婦人方二卷

王叔和張仲景藥方十五卷

見舊唐志

葛洪肘後方六卷

舊唐志作肘後救卒方四卷本傳作肘後要急四卷今存藝文類聚七十五引陶宏景肘後百一方序類聚八十二引葛洪治金創方

金匱玉函經八卷

郡齋讀書志曰漢張仲景撰晉王叔和集設答問雜病形證脈理參以療治之方仁宗朝王洙得於館中用之甚效合二百六十二方

羅什耆婆脈訣注十二卷

見日本現在書目

葛洪玉函煎方五卷 金匱藥方一百卷

晉中興書曰洪撰經用救驗方三卷號曰肘後方又撰玉函方一百卷於今行用御覽七百二十二

葛仙翁杏仁煎方一卷

崇文總目葛洪撰宋志仙翁作仙公按東觀餘論以葛仙公爲葛元此亦當是今姑錄之

皇甫謐曹欽論寒食散方二卷 欽當依魏志作翁

魏志東平王徽傳注臣松之案翁入晉封廩邱公魏宗室之中
名次鄆城公撰解寒食散方與皇甫謐所撰並行於世 按隋
志又有皇甫士安依諸方撰一卷文義未備蓋承上宋尚寒食
散而言卽此書也

釋道洪寒食散對療一卷 釋道洪方一卷

胡洽胡居士治百病要方三卷

見新唐志

范汪范東陽方一百七十六卷錄一卷

舊唐志雜藥方一百七十卷范汪方尹穆撰 案御覽七百三

十九引范汪秘方七百四十三九百四十六並引范汪方九百
二十五引范汪治咽方九百四十八引范汪治不得小便方卷
一千引范汪治淋方餘各家所引尙多明徐氏古今醫統引用

書目尙有范汪方五卷晉書范汪撰方五百餘卷又一百七卷
後人詳用多獲其效 御覽七百二十二范汪竇衆述書賦注
作范汪字玄平

范氏療婦人藥方十一卷

范氏解散方七卷

劉涓子鬼遺方十卷龔慶宣傳

崇文總目云涓子晉末人於丹陽縣得鬼遺方一卷皆治癰疽
之法慶宣得而次第之 中興書目引見直齋書錄解題 唐志作劉涓子男方誤

劉涓子鬼論一卷

崇文總目著錄錢侗云天一閣有抄本

療癰經一卷

隋志列鬼遺方下不著撰人錢氏讀書敏求記卷三云予別有

劉涓子治癰疽神仙一卷是家抄本蓋卽此書

殷仲堪殷荊州要方一卷

顏氏家訓雜藝篇云醫方之事微解藥性小小和合居家得以救急皇甫謐殷仲堪則其人也

阮文叔阮河南藥方十六卷

新唐志題阮炳隋志避唐諱稱字魏志杜畿傳注引杜氏新書云阮武弟炳字叔文河南尹精意醫術撰藥方一部按唐志又有阮河南藥方十七卷當是重出

遼東備急方三卷

隋志云都尉臣廣上

于法開議論備豫方一卷

翻譯名義集卷十七法開晉升平中孝宗有疾開視狀知不起

不肯進藥獻后怒收付廷尉俄而帝崩獲免或問法師曰高明剛簡何以醫術經懷開曰明六度以除四魔之疾調九候以療風寒之病自利利他不亦可乎孫綽曰才辯縱橫以數術通教其在開公焉

宮泰三逆散方

徐春甫古今醫統晉宮泰不知何郡人製三逆散方治喘咳氣逆最效世所貴云

鄞邵五石散礬石散方

古今醫統鄞邵不知何郡人製五石散礬石散等方晉朝士大夫無不敬服

葛洪黑髮酒方一卷

見崇文總目

張湛養生要集十卷 養性傳二卷

見新唐志 文選二十一注引養生要論曰龜鶴壽有千歲之數性壽之物也道家之言鶴曲頸而息龜潛匿而噎此其所以爲壽也服氣養性者法焉疑出此書也新唐志入神仙家 御覽卷九引養性經曰治身之道春避青風夏避赤風秋避白風冬避黑風此彭祖養性經也醫心方屢引之

張湛延年秘錄十二卷

見唐志 宋藝文志延年秘錄十二卷不著撰人葉石林避暑錄話卷下引張湛授范甯曰痛方蓋出此書

玉房秘訣十卷

隋志八卷不題撰人新唐志題冲和子玉房秘訣十卷注云張鼎鼎不詳何時人俟攷

殷浩方書

圖書集成藝術典醫部名醫列傳引醫學入門云殷浩精通經脈著方書初學記卷四養生要集曰朮味苦小溫生漢中南郊山谷五月五日採之 御覽八百三十九八百四十一均引養生要集文選卷五十三引養生要曰大蒜勿食葷辛害曰 御覽三百九十一養生要訣曰人語笑欲令至少不欲令聲高若過誤笑損肺腸精神不足

支法存申蘇方五卷

千金序曰支法存嶺表人性敦方藥自永嘉南度士大夫不襲水土多犯脚弱惟法存能拯濟之御覽七百二十四又曰僧深善療脚弱氣之疾撰錄法存等諸家醫家三十餘卷

神仙家類

華嶠紫陽真人周君傳一卷

按嶠當作僑真誥真胄世譜云華僑者晉陵冠族世事俗禱僑入道鬼事得息積年乃見裴清靈周紫陽又云今世中周紫陽傳卽僑所造 御覽六百六十九真人周君內傳曰紫陽真人周義山字季通汝陰人也漢丞相勃七世孫父浚官至陳留內史類聚七十八真人周君傳曰紫陽真人周義山汝陰人間有欒先生得道在蒙山能讀龍嶠經乃追尋之

葛洪抱朴子內篇二十一卷音一卷

今存二十卷

抱朴子神仙服食藥方十卷

新唐志抱朴子太清神仙服食經五卷

抱朴子養生論一卷

見宋志道藏臨字號有此書嚴可均鐵橋漫稿曰前半卽地真篇也後半與極言篇相輔

太清玉碑十一卷

葛洪與鄭惠遠問答

見宋志

青霞子授茅君歌一卷

青霞子晉太康時人

見通志

王浮老子化胡經十卷

高僧傳卷一帛遠平素之日與王浮屢爭邪正浮瞋不自忍乃作老子化胡經誣謗佛法郡齋讀書志云魏明帝爲之序按裴松之三國志注言世稱老子西入流沙化胡成佛其說蓋起於此

稚川真人校證術一卷

道藏似字號有此書

抱朴子神仙金匱經三卷

嚴可均漫稿曰其上下二卷卽金丹篇也

抱朴子別旨二卷

宋史藝文志著錄云不知作者今道藏本抱朴子內篇後附此書一卷凡五百六十餘言蓋依託也

王真人陰丹訣一卷

東晉王長生撰

見通志

葛洪五金龍虎歌一卷 五岳真形圖文一卷

並見崇文總目

許真君修九幽立成儀一卷

見崇文總目金錫鬯云通志略亦名旌陽遺教

庚闡列仙論

藝文類聚卷七十八引之

葛洪神仙傳略一卷

見崇文總目

仙人馬君陰君內傳一卷

唐志題趙昇等撰

葛洪胎息術一卷

郡齊讀書後志云葛仙翁胎息術一卷右仙翁葛洪也案葛仙翁卽三國時之葛仙公非稚川也晁氏蓋誤後漢書方術王眞傳能行胎息胎食之方注漢武內傳曰習閉氣而吞之名曰胎息抱朴子釋滯篇曰胎息者能以鼻口嘘吸如在胞胎之中王羲之許先生傳一卷

見唐志 崇文總目有許邁傳一卷金錫鬯云疑卽此書通志
作許遠遊傳藝文類聚太平御覽屢引之

葛洪金木萬靈訣一卷

見通志道藏松字號有此書

大洞真經一卷真誥引之

郡齋讀書志卷十六云大洞真經一卷題云高上虛皇等道書
三十七章晉永元中上清紫微元君降授於王夫人是上清高
法道藏書六部李氏道書志四類皆以此書爲之首 真誥叙
錄云上清真經出世之源始於晉興甯二年太歲甲子紫虛元
君上真司命南嶽魏夫人下降授弟子琅邪王司徒公府舍人
楊羲使作隸字以傳護軍長史句容許穆並第三息上許掾王
斧

許遜靈劍子一卷

靈劍子引道子午記一卷 見天一閣書目

黃庭內景經一卷

今存郡齋讀書志曰梁邱子叙云扶桑大帝命暘谷神王傳魏
夫人一名東華玉篇

黃庭外景經三卷

今存 郡齋讀書志云叙謂老子所作與法帖所載晉王羲之
寫本正同周必大跋山谷書南華玉篇云黃庭外景一篇世傳
魏晉時道家者流所作此三十六篇乃其義疏名曰內景養生
之樞要也益公題跋 卷十一 葉奕包金石錄補曰按羲之卒於穆帝升平
五年後二年爲哀帝興甯二年黃庭始降於世則非王書可知
華存清虛真人

王君內傳一卷 御覽六百九十三引稱王褒內傳餘所引多稱王君內傳或稱真人王君傳隋志題弟子華存傳

晉哀帝丹青符經五卷丹臺錄三卷

出柳子厚龍城錄按龍城錄雖僞書要是宋以前作慮其別有所本姑錄存之

許遠遊詩十二首

宋鄧牧洞霄圖志許邁字叔元一名映後改名元字遠游與旌陽令遜護軍長史穆皆再從兄弟後於臨安西山師王世隆著詩十二首論神仙事

王獻之畫符及神一卷

米芾畫史云王獻之畫符及神一卷咒小字五斗米道也南嶽夫人內傳一卷

崇文總目南嶽魏夫人內傳一卷金錫鬯云按宋志范邈撰唐志作紫虛元君魏夫人內傳項宗撰初學記二十八引作南嶽夫人傳藝文類聚菓部亦引之唐志亦云范邈撰與項宗書蓋兩部宜分錄書抄一百二十九真人三君內傳云南極夫人被錦服青羽裙

抱朴子玉策記

初學記二十九引之 太平御覽卷八卷九百六九百八九百九

馬明生別傳

書抄作名生

書抄一百三十三類聚八十七並引之 御覽七百六文選卷二十八注作馬明先生別傳

李遵太元真人東鄉司命茅君內傳一卷

御覽六百六十一引此書云以晉興甯三年七月四日夜降楊君家則晉人書也餘書引之或稱茅君內傳或稱茅盈傳九百十六稱李遵太元真人茅君內傳隋志題弟子李遵初學記三十引李遵太元真人茅君傳真誥甄命授第四云李中候名遵

撰茅三君傳飛步經真誥協昌期第一有答長史諮飛步經

施安五星圖同上二十四神經同上

三皇內文天文三卷 元文上中下三卷 混成經二卷 元錄

二卷 九生經云云至李先生口訣肘後二卷 自來符云云至

玉斧符十卷 青龍經 中黃經 太清經 通明經 按摩經

道引經十卷 元陽子經 元女經 素女經 彭祖經 陳赦

經 子都經 張虛經 天門子經 容成經 入山當作內經

金丹經 枕中五行記

抱朴子遐覽篇道經有二皇內云云又釋滯篇曰道書篇卷至於山積案各書漢藝文志皆不著錄依託無疑而稚川見之必晉以前書也故具列其目如太清素女彭祖諸經則並見隋志矣日本禰康賴醫心方卷二十八屢引元女經素女經太清經及抱朴子說皆晉以前書也 葛氏房中秘術一卷

見新唐志隋志作序房內秘術抱隋諱中字也抱朴子釋滯篇曰元素子都容成公彭祖之屬蓋載其麓事終不以至要者著於紙上余承師鄭君之言故記以示將來之信道者實復未盡其訣矣

許旌陽度人經釋例一卷

太上淨明院補奏職局奏玄都省都知一卷 見道藏方法類

賴字號

易內戒 赤松子經河圖記命符抱朴子微旨篇引之董仲舒李少君家錄 仙經抱朴子論仙篇引之

玉策記 昌字經 玉鈴經中篇抱朴子對俗篇引之 神仙經

黃白方二十五卷 或題篇云庚辛 九丹經 金銀液經 黃白中經五

卷見抱朴子黃白篇

周公城名疏 九天秘記 太乙遁甲玉鈴經 靈寶經 九鼎

經 見抱朴子登涉篇

曹毗杜蘭香傳

見本傳 御覽卷五百卷九百八十四兩引之類聚屢引之題

杜蘭香列傳三百九十六引作曹毗神女杜蘭香傳

成公興內傳

御覽七百九引之

孫綽列仙傳讚三卷 劉向撰

今存二卷

靈人辛元子自序一卷 隋志雜傳類

郭元祖列仙傳讚二卷序一卷 真誥闡幽微第二錄之

今存

葛洪神仙傳十卷

今存

葛洪漢武內傳三卷

日本見在書目題葛洪今從之

太乙眞君固命歌一卷

宋藝文志云晉葛洪譯

河圖玉版

張湛列子周穆王篇注河圖玉版云西王母居崑崙山
清虛真人裴君內傳一卷

真誥屢引裴靈期語卽此人

楊羲書靈寶五符一卷 王君傳一卷 許穆步七元星圖 許
穆書飛步經一卷 西嶽公禁山符一卷 楊羲書中黃制虎豹
符一卷 許穆書太素五神二十四神并迴元隱道經一卷 八
素陰陽歌一卷 列紀黃素書一卷 楊羲書鄗宮事一卷
以上並見真誥翼真檢第二

補晉書藝文志



